



## INNKALLING

**Møtedato:** 02.04.2020  
**Møtestad:** Fjernmøte  
**Møtetid:** Kl. 14.00

Den som har lovleg forfall, eller er ugild i nokon av sakene, må melda frå så snart råd er til Kristian Stråmyr, tlf. 959 84 647 eller til epostadr. [kristian.stramyr@aurland.kommune.no](mailto:kristian.stramyr@aurland.kommune.no) slik at varamedlem kan bli kalla inn.

Varamedlem møter etter nærmare innkalling.

Dokument som ikkje er tilsende, kan du få kopi av på rådhuset.

Møtet vert gjennomført som fjenmøte i medhald av mellombels forskrift om gjennomføring av fjenmøter i kommunar og fylkeskommunar for å avgrense spreing av Covid-19 .

Aurland, 27.03.2020

Trygve Skjerdal  
Ordførar

# Sakliste

<b>Sak nr.</b>	<b>Sakstittel</b>	<b>Gradering</b>
019/20	Godkjenning av møteprotokoll	
020/20	Referatsaker	
021/20	Budsjett- og ressursprioriteringar som følge av Covid-19 og svikt i kommunen sine kraftinntekter	
022/20	Nasjonal transportplan 2022-2033 - innspel til fylkestinget si høyringsfråsegn	
023/20	Fråsegn til fornya konsesjon for Kjosfoss kraftverk og reguleringar i Flåmsvassdraget	
024/20	Lån til vidare utlån gjennom Husbanken - startlån	
025/20	Val av ekatra medlem til representantskapet i SIMAS IKS 2019-2023	
026/20	Framlegg på medlem til styret i Visit Sognefjord AS	



# AURLAND KOMMUNE

## Sakspapir

Saksnr.	Utval	Møtedato
019/20	Formannskapet	02.04.2020

Arkivsaknr.:	Arkiv	Sakshandsamar	Dato
20/292 - 20/2227		Kristian Stråmyr 95984647	23.03.2020

### Godkjenning av møteprotokoll

Ingen merknader til møteprotokoll

### Vedlegg:

Protokoll - Formannskapet - 13.03.2020



# AURLAND KOMMUNE

## Sakspapir

Saksnr.	Utval	Møtedato
020/20	Formannskapet	02.04.2020

Arkivsaknr.:	Arkiv	Sakshandsamar	Dato
20/292 - 20/2335		Kristian Stråmyr 95984647	27.03.2020

### Referatsaker

Ingen merknader til referatsaker

#### Oversikt:

1, Notat - Tursti Flåm skule - Brekkehagen - grunnverv og vidare framdrift

2, Sluttoppgjer etter flaumen i Aurland i 2014

3, Tertialrapport Aurland ressursutvikling AS (ARU) konsern T3 2019

4, Aurland Hamnevesen KF - statusrapport - konsekvensar av Covid-19 - per. 26.03.20



# AURLAND KOMMUNE

## Sakspapir

Saksnr.	Utval	Møtedato
021/20	Formannskapet	02.04.2020
	Kommunestyret	

Arkivsaknr.:	Arkiv	Sakshandsamar	Dato
19/311 - 20/2301	K1-151, K1-145	Steinar Søgaaard 95984633	27.03.2020

### Budsjett- og ressursprioriteringar som følge av Covid-19 og svikt i kommunen sine kraftinntekter

#### Saka gjeld:

Aurland kommune vil få reduserte inntekter og auka utgifter som følgje av Covid-19, og må tilpasse investeringar og drifta for å møte desse utfordringane. Kommunen vil ikkje få utbytte frå selskap tilsvarande 6,5 mill. kroner i 2020. Redusert skatteinngang (inntektsskatt) må forventast, og det er kome søknader frå private bedrifter om å få redusert eller fritak for leigeutgifter av kommunale eigedomar.

På grunn av svært låge kraftprisar vil kommune få mindre betalt for konsesjonskrafta enn budsjettet. Dette utgjer om lag 4 mill. kroner.

Arbeidet med Covid-19 gjer at gjennomføringsevna er vesentleg redusert i høve investeringar og drift.

#### Tilråding frå rådmannen:

1. Aurland kommune reduserer investeringsbudsjettet slik det går fram av vurderinga.
2. Endringane vert innarbeidd i budsjettet for 2020 i samband med 1. tertalrapport.
3. Rådmannen får fullmakt til å disponere inntil 1 mill. kroner til næringsretta tiltak som følgje av Covid-19. Eventuell bruk av desse midlane skal sjåast opp mot statlege ordningar.

#### Saksframlegg

Aurland kommune vil få reduserte inntekter og auka utgifter som følgje av Covid-19, og må tilpasse investeringar og drifta for å møte desse utfordringane. Kommunen ikkje vil få utbytte frå selskap tilsvarande 6,5 mill. kroner i 2020. Redusert

skatteinngang (inntektsskatt) må forventast, og det er kome søknadar frå private bedrifter om å få redusert eller fritak for leigeutgifter av kommunale eigedomar.

På grunn av svært låge kraftprisar vil kommunen få mindre betalt for konsesjonskrafta enn budsjettert. Dette utgjør om lag 4 mill. kroner.

Arbeidet med Covid-19 reduserer gjennomføringsevna i høve investeringar og drift vesentleg.

Det blir arbeidd med eit forslag om å redusere tenesteområda/stab sine nettoutgifter med 5%. Dette blir lagt fram i samband med 1. tertialrapport 2020.

#### Konsekvensar for næringslivet

Regjeringa har sidan 12. mars 2020 innført strenge tiltak for å hindre og forseinke smitte av COVID-19-viruset i det norske samfunnet. Tiltaka inkluderer mellom anna:

- Stenging av skular og barnehagar
- Reiserestriksjonar/strenge reiseråd til og frå andre land
- Reglar for heimekarantene for personar som kjem frå utlandet
- Heimekarantene/-arbeid for personar med symptom på forkjøling
- Forbod mot arrangement
- Stenging av verksemder med stor sjanse for smittespreiing, til dømes barar, frisørar og treningsstudio

I tillegg til tiltaka innført i Noreg, har andre land innført eigne restriksjonar på inn- og utreise. Det er i tillegg innført ein del statlege ordningar for å bøte på dei økonomiske utfordringane til verksemdene. Desse har i første omgang fokusert på å redusere kostnader knytt til lønn og gje arbeidstakarar inntektssikring i tillegg til ei eiga ordning for private næringsdrivande og frilansarar.

Samtidig som at NAV registrerer høgre ledigheitstal, melder verksemdene i Aurland om stengingar og permitteringar. Grunna den høge delen reiselivsrelaterte verksemder i kommunen, vert næringslivet i Aurland spesielt hardt råka av både globale og lokale reiserestriksjonar.

Varehandelen i Aurland har vanlegvis òg nytt godt av høge besøkstal, sjølv utanom høysesongen. Desse melder no om mindre folk og trafikk og minka sal. Dette går spesielt utover dei mindre butikkane på dei små tettstadane som Undredal, Flåm og Gudvangen.

Frilansarar og private næringsdrivande som driv med reiselivsbaserte tenester eller spesialprodukt opplever allereie manglande etterspurnad. Handverkarar vert òg råka til dømes av mindre arbeid inne i folk sine hus grunna smittevernstiltak. I tillegg gjer sjukdom/karantenerreglar og stenging av skular og barnehagar at arbeidsstokken blir mindre fleksibel. Handverkarar og entreprenørar kan fort oppleve ringverknader av nedgangen i reiselivet og nedgangen i økonomien i samfunnet generelt, dersom dette fører til dømes til utsetjing av bygge- og anleggsprosjekt eller om moglege

oppdrag vert lagt på is.

Utifrå SSB sine tal, arbeider inntil 65 % av arbeidsstokken i Aurland innan yrker som kan bli råka av nedgangen og det er difor all grunn til å tru at ledigheitstala vil halde fram med å stige så lenge reiserestriksjonane vara.

I tillegg til førespurnader om informasjon om statlege ordningar, har det til kommunen kome konkrete førespurnader om utsett betaling av leigekostnadar i kommunale bygg og fritak frå betaling av leige. Kommunen har handsama førespurnad om utsett betaling av leige og gitt dette fram til 1. september 2020. Eventuelle fritak frå betaling av leige i kommunale bygg vert handsma individuelt, og må sjåast opp mot statlege ordningar.

## Vurdering

### Vurdering av investeringsbudsjettet:

- Bygningsmessige titlak pleie og omsorg. Oppstart av arbeid med planarbeid og detaljprosjektering vert tilrådd nedprioritert. Gamle del av sjukeheim er tiltenkt som isolasjonsrom for handtering av pasientar i samband med utbrudd av koronavirus.
- Ny barnehage. Held fram, reduksjon.
- Turveg Heggvikji – Bøen. Held fram med grunnnerv, detaljprosjektering, skredsikring, geoteknisk prosjektering, reduksjon.
- Oppgradering kommunale bruer. Nedprioritert.
- Oppgradering Ryavegen og Flåmsdalsvegen. Reduksjon, asfaltering vert utsett.
- Omlegging av tilkomstveg A-feltet: Ferdig detaljprosjektering og anbodgrunnlag klart. Byggesøknad. Nedprioritert.
- Parkering Gudvangen. Reduksjon. Arbeidast vidare med erverv.
- Gatelyst Kleivi – Seinshølen: Held fram.
- Tursti Flåm skule – Brekkehagen: Nedprioritert, utfordrande eigedomstilhøve jf notat.
- Infiltrasjonsanlegg Gudvangen. Reduksjon, er i gang.
- Vassbehandling Flåm. Held fram
- Leidningar Ryggjatun – Vangen. Held fram.
- Utsifting pumpestasjon A-feltet. Held fram.
- Omlegging VA Orøyane. Held fram.
- Teknisk bygg Gudvangen. Held fram.
- Hovudplan VA. Anbudsprosess, felles for hovudplan og OVA plan Flåm sentrum. Viktig å gjennomføre i år.
- Vatn- og avlaup Bakka. Held fram.
- Ny inngang trimrommet. Held fram.
- Nærmiljøanlegg leikeplassar. Redusert
- Rassikring Nedre Brekke. Bruksavtala med nesten alle grunneigarar er klart. Ferdig detaljprosjektering, anbodgrunnlag klart, om lag klar med byggesøknad, SHA plan og ytre miljøplan. Held fram. Konsekvens: sikring av bustadfelt, byggjearbeid i påvente av sikring, ubebygde tomt som avventar sikring.
- Overtaking Ytstebøen: Nedprioritert.
- Rassikring Fiskhammar – veg. Held fram.
- Ty – grunnkjøp. Held fram.
- IKT. Held fram.

- Inngangsparti Rådhuset. Utsettast.
- Adgangskontroll rådhuset. Ferdig.
- Enøktiltak. Nye porter. Nedprioritert.
- Breibandutbygging. Held fram
- Toalett/kontor Gudvangen. Held fram.
- Uteområde Furuly. Reduksjon.
- Dagsturhytte: Utsett.
- Ny heis helsetunet. Må inn.

Endringane inneber ein reduksjon av det totale investeringsvolumet på om lag 20 mill.

Kommunen sin driftsutgifter til tenesteproduksjon blir vurdert redusert med 5%. Alle prosessvedtak i drifta som ikkje er påbegynt blir utsett.

#### Omdisponering av midlar i konsesjonsavgiftsfondet

Sidan den heimelsregulerte delen av konsesjonsavgifta er på kr 3 600 000, og det er lagt opp til ein høgare del av tilskot enn det som er naudsynt, vil det enklaste strakstiltaket vere å minke rammene for den søkbare delen til kroner 896 562 og omdisponere kr 731 438 til naudsynte tiltak i den kommunale organisasjonen, til dømes for å dekke inn tapt husleigeinntekt grunna fallande marknadsverdi på leige.

Rådmannen tilrår ikkje å redusere tilskotsordninga til landbruk, sidan dette er ei næring som i mindre grad vert råka av Covid-19 situasjonen. Det har allereie meldt seg søkarar og søknadsfristen har blitt annonsert, så tilskotsordninga for næring med frist 1. april bør gjennomførast utifrå dei vanlege reglane, men med redusert ramme. Det kan etter kvart vurderast å kutte ut tilskotsrunda i oktober, eller endre reglane for ordninga for å nytte denne som mogleg «krisehjelp» til verksemder i løpet av eller etter sesongen.

I ein slik situasjon kommunen er i, vil det vere føremålstenleg at rådmannen får fullmakt til å disponere inntil 1. mill. kroner til næringsretta tiltak som følgje av Covid-19. Eventuell bruk av desse midlane skal sjåast opp mot statlege ordningar. Dette gjeld òg dei søknadane kommunen allereie har fått inn vedkomande fritak frå betaling av leige i kommunale bygg.

#### **Uprenta vedlegg til saka:**

#### **Vedlegg:**

revidert invest 2020- finansiering





## Sakspapir

Saksnr.	Utval	Møtedato
022/20	Formannskapet	02.04.2020

Arkivsaknr.:	Arkiv	Sakshandsamar	Dato
16/477 - 20/2245	K1-024, K2-Q10, K3-&13	Norunn Haugen 47674567	24.03.2020

### Nasjonal transportplan 2022-2033 - innspel til fylkestinget si høyringsfråsegn

#### Saka gjeld:

Kommunane er invitert til å komme med innspel til fylkestinget sin høyringsfråsegn til Nasjonal transportplan 2022-2033.

#### Tilråding frå rådmannen:

Aurland kommune gjev følgjande innspel til fylkestinget si høyringsfråsegn til Nasjonal transportplan 2022-2033:

Aurland kommune ber om at desse prosjekta blir prioritert i Vestland si høyringsfråsegn:

- Utbetring og rassikring av E16 mellom Voss og Bergen
- Rassikring i Nærøydalen – bygging av tunnel
- Hovudsamband mellom aust og vest gjennom Sogn
- Vidare satsing på breibandutbygging i heile landet
- Midlar til å realisere turveg langs E16 mellom Aurland og Flåm

#### Saksframlegg

Samferdselsdepartementet har i brev datert 21. november 2019 invitert fylkeskommunane saman med dei største byane og Sametinget til å kome med innspel til prioriteringar til Nasjonal transportplan 2022-2033. Innspelet skal basere seg på tidlegare vedtak i fylkestinga om dei viktigaste utfordringane innan transportområdet. Fylkeskommunen har vektlagt involvering av kommunane og gjennomførte innspelsmøte i februar. Kommunane er og invitert til å komme med innspel til fylkestinget si høyringsfråsegn innan 3. april. Fylkeskommunane sin frist for innspel er 14.mai. Stortingsmeldinga om ny NTP blir lagt fram 2021.

Departementet gir deloppdrag til vegvesenet, Avinor, Jernbaneverket og Kystverket, men det blir ikkje lagt fram felles grunnlagsdokument slik det er gjort i tidlegare planprosesser. 27.mars har fylkeskommunen invitert til eit ytterlegare innspelsmøte. Møtet vert strøyma direkte. Det er mogeleg å delta via link på heimesida til fylkeskommunen. Dette møtet kjem i etterkant av at samferdselstetane har levert sine innspel til prioriteringar til Samferdselsdepartementet 13.mars. Etatane vil i møte orientere om konsekvensar for Vestland.

Aurland kommune har gjennom Sogn regionråd og gjennom regionsamarbeidet Aurland, Vik og Voss gitt innspel i samband med innspelsmøta som var i februar.

Rådmann har i saka vurdert innspela som er gitt frå regionsamarbeida og tilrår at Aurland kommune gjennom ei eiga fråsegn synleggjer dei viktige prioriteringar for Aurland kommune.

I regionsamarbeidet Aurland Vik og Voss er desse prioriteringane vektlagt:

- Satsing på E16 med utbetringar mellom Bergen - Voss, og rassikring i Nærøydalen
- Vikafjellsvegen med Vikafjellstunnelen for å knyte Vestlandet saman og for å betre sambandet mellom Sogn mot Bergensregionen. Vikafjellstunnelen vil vere ein viktig omkøyringsveg ved t.d. stenging av Gudvangatunnelen.
- Vossabana

I Sogn regionråd sin uttale er desse prioriteringar vektlagt:

- Sogndal lufthamn
- Ferje og frekvens på ferjeavgangar
- Rassikring for tryggare vegar
- Vikafjellstunnelen
- Sambandet aust – vest over Hemsedal
- Vidare satsing på breiband

Sogn regionråd sin samferdselsplan ligg ved saka. Denne planen inneheld i tillegg innspel til lokale og regionale prioriteringar.

### **Vurdering**

Rådmann legg til grunn at det er viktig for Aurland at det vert satsa vidare på at aust-vest samband gjennom Sogn. Sjølv om auka trafikk gjennom kommunen har negative sider, så vil auka trafikk vere positivt for t.d. næringsliv og kollektivtilbod.

For Aurland kommune er det viktig at E16 mellom Voss og Bergen vert utbetra. Dette gjeld både kapasitet på strekninga og i høve til rassikring. Det er allereie regulert for ny tunnel i Nærøydalen. Dette rassikringsprosjektet har vore prioritert i tidlegare planar og kommunen bør no jobbe for at prosjektet blir realisert.

For Aurland kommune vil prosjekt som styrkar regionen og som bidreg positivt til vekst i regionen vere naturleg å støtte. Ei satsing på Vossabanen kan gje viktige ringverknader i regionen og vere positivt for å oppretthalde Flåmsbana sin posisjon.

Vikafjellstunnelen er særleg viktig for Vik kommune, men og viktig for å kommunikasjon innan i Vestland. Det blir peika på at utbetring av Vikafjellsvegen kan bli viktig omkøyringsveg ved stenging av E16.

På same måte som punktet ovanfor har ikkje rådmann tilrådd at tema som ferje og flytilbod, og som er svært viktige for regionen, er teke med i uttalen frå kommunen. Denne vurderinga er gjort for å spisse kommunen sin uttale.

Ei satsing på gang og sykkelveg mellom Aurland og Flåm er eit viktig einskild prosjekt som kommunen kan ta med i sitt høyringsinnspel.

#### **Uprenta vedlegg til saka:**

#### **Vedlegg:**

Nasjonal transportplan 2022-2033 - Innspelsmøte fredag 27. mars -  
Samferdsleplan for Sogn regionråd framlegg 28.2.2020 med innspel (002)



# AURLAND KOMMUNE

## Sakspapir

Saksnr.	Utval	Møtedato
023/20	Formannskapet	02.04.2020
	Kommunestyret	

Arkivsaknr.:	Arkiv	Sakshandsamar	Dato
20/142 - 20/2242	K2-S11, K3-&13	Ingunn Bårtvedt Skjerdal 95984646	25.03.2020

### Fråsegn til fornya konsesjon for Kjosfoss kraftverk og reguleringar i Flåmsvassdraget

#### Saka gjeld:

BaneNor SF søker om fornya konsesjon for Kjosfoss kraftverk og reguleringar i Flåmsvassdraget. Konesjonssøknadene r på høyring med frist for fråsegn 15.05.2020.

#### Tilråding frå rådmannen:

Aurland kommune har ingen merknadar til søknad om fornya konsesjon for Kjosfoss kraftverk og reguleringar i Flåmsvassdraget.

#### Saksframlegg

Aurland kommune har motteke konsesjonssøknad for Kjosfossen kraftverk og reguleringane i Flåmsvassdraget på høyring. Frist for å kome med fråsegn er 15.05.2020.

BaneNor søker om løyve til:

- å regulere Klevavatn, Seltuftvatn og Reinungavatn i samsvar med gitte opplysningar om oppdemming og senking av vasstand gitt i konsesjonssøknaden
- framhald i drift og vedlikehald av Kjosfoss kraftverk
- utnytting av fallet mellom Reinungavatn og Kjosfoss kraftverk

Det vert ikkje søkt om å endre reguleringsgrenser

#### Bakgrunn:

Reguleringane i Flåmsvassdraget i Aurland og Ulvik kommunar i Vestland fylke vert utnytta i kraftverka i Kjosfossen eigd av BaneNOR SF og Leinafoss er eigd av

## Aurland energiverk og drifta av E-CO Energi.

Søknaden gjeld konsesjon til Kjosfossen kraftverk og dei eksisterande reguleringane som har utløpt. Det vert ikkje planlagt endringar av reguleringane, men det er gjennomført oppgradering av alle reguleringsdammane og det er installert nye tappeorgan på Klevavatnet og Reinungavatnet slik at alle reguleringane kan fjernstyrast.

Tiltaket gjeld følgjande reguleringar:

Stad	HRV (høgste regulerte vasstand) /LRV (lågaste regulerte vasstand)	Magasin- volum (mill.m3)	Delfelt (km <sup>2</sup> )	Tilsig (mill. m <sup>3</sup> /år)	Magasin- prosent (%)
Klevavatn	958 / 949	7,7	109,1	230,1	3,4
Seltuftvatn	812 / 808,5	1,6	43,1	90,3	1,8
Reinungavatn	764,5 / 763	1,2	13,9	29,2	4,1
Totalt til Kjosfoss		10,5	166,1	349,6	3,0
Totalt til Leinafoss		10,5	230,1	491,5	2,1

Magasina med reguleringar er relativt små, og gir eit bidrag til total kraftproduksjon i kraftverka Kjosfoss og Leinafoss på ca 50 GWh/år. Den totale produksjonen i Kjosfoss Kraftstasjon med reguleringar er berekna til 26,5 GWh/år

Reguleringa i Reinunga vart etablert i samband med Kjosfoss kraftverk i 1944, men Seltuftvatn og Klevavatn vart regulert noko seinare. Alle konsesjonar har utløpt.

Driftsmessig vert magasina fylt når snøsmeltinga startar og det er berre unntaksvis at vasstanden er senka når landskapet ikkje lenger er snødekt. Ettersom reguleringane ikkje vert endra vil det ikkje vere nokon endring i miljøkonsekvensar

### Oppsummering av konsekvensar:

I tabellen under vert konsekvensvurderinga av kvart enkelt tema oppsummert

Tema	Konsekvens
Vanntemperatur, isforhold og lokalklima	Ubetydelig (0)
Grunnvann	Ubetydelig (0)
Ras, flom og erosjon	Ubetydelig (0)
Naturtyper/vegetasjon	Liten negativ til ubetydelig (-/0)
Fauna	Liten negativ (-)
Akvatisk miljø, fisk og ferskvannsbiologi	Liten negativ til ubetydelig til (-/0)
Verneinteresser	Liten negativ (-)
Landskap og inngrepsfrie naturområder	Liten negativ (-)
Kulturminner og kulturmiljø	Ubetydelig til liten negativ (0/-)
Landbruk	Ubetydelig (0)
Ferskvannsressurser, vannkvalitet og resipientinteresser	Ubetydelig (0)
Brukerinteresser / friluftsliv	Liten negativ til ubetydelig (-/0)
Reiseliv	Liten negativ (-)
Samfunnsmessige virkninger	Ubetydelig til liten positiv (0/+)

Eit alternativ til opprusting og søknad om ny konsesjon kunne vere nedlegging av reguleringa med permanent senking av vasstanden ned til naturleg utløpsterskel, men det vert sett på å ha ein betydeleg landskapsmessig konsekvens ettersom oppdemningsdelen av reguleringssona vert eksponert permanent

Dei negative miljøverknadane av tiltaket vert vurdert som små i høve nullalternativet som inneberer ingen regulering. Det vert ikkje føreslege minstevassføring. Av omsyn til raudlisteartar bør anleggsperioden for eventuell opprusting av tappe-/reguleringsluka ved dam Seltuftvatnet avklarast med Fylkesmannen før oppstart.

*Planstatus:*

Det aktuelle området ligg i LNF-område i arealdelen til kommuneplanen, området er ikkje omfatta av reguleringsplanar.

**Vurdering**

Konsekvensvurderinga av tema natur, miljø og samfunn tek opp i seg alle aktuelle tema. Konsekvensane vert samla sett vurdert til å vere små.

Kjosfossen er ein viktig turistattraksjon langs Flåmsbana og krav om minstevassføring er drøfta opp i mot tapet av kraftproduksjon. Det er konkludert med at det er svært få dagar i løpet av ein sommarsesong som ikkje har vassføring i Kjosfossen og at verditapet knytt til krav om minstevassføring relativt sett er stort. Rådmannen sluttar seg til desse vurderingane.

Aurland kommune har ingen merknadar til søknad om konsesjon for vidare drift av Kjosfossen kraftverk med regulering av Klevavatn, Seltuftvatn og Reinungavatn.

**Uprenta vedlegg til saka:**

Alle saksdokument er tilgjengeleg på NVE si nettside:

<https://www.nve.no/konsesjonssaker/konsesjonssak?id=8466&type=V-1>



# AURLAND KOMMUNE

## Sakspapir

Saksnr.	Utval	Møtedato
024/20	Formannskapet	02.04.2020
	Kommunestyret	

Arkivsaknr.:	Arkiv	Sakshandsamar	Dato
20/178 - 20/1580	K1-213, K1-251, K2-F00	Reidar Johnsen 57 63 29 40	09.03.2020

### Lån til vidare utlån gjennom Husbanken - startlån

#### Saka gjeld:

Opptak av lån på kr 3.500.000 til vidare utlån.

#### Tilråding frå rådmannen:

Kommunestyret vedtek å ta opp lån frå Husbanken på kr 3.500.000 til vidare utlån.

#### Saksframlegg

Kommunen administrerer Husbanken sine ordningar i høve til startlån og tilskot. Søknad frå NAV til Husbanken må godkjennast av kommunestyret. Startlån kan mellom anna nyttast til nyetablering på bustadmarknaden, utbetring og refinansiering av eksisterande lån. Det ordinære bankvesenet er restriktive med toppfinansiering av bustader. Her vil startlån kunne fungere som toppfinansiering i kombinasjon med private bankar. Pr 6. mars står det igjen om lag kr 1,8 millionar til utlån.

#### Vurdering

Aurland kommune ved NAV Aurland ønskjer å søke om lån for vidare utlån på bakgrunn av at kr 1,8 millionar ikkje er tilstrekkeleg for vidare utlån i 2020. Startlån bidreg til at vanskelegstilte får kome inn på bustadmarknaden og kan førebyggje økonomiske problem og kan bidra til at personar med stor gjeld kan få ein ny sjanse. Aurland kommune legg vekt på at det er dei mest vanskelegstilte som har moglegheit til å få startlån gjennom Husbanken sine tenester.

**Vedlegg:**

Behovsmelding 2020 og tilsegn om startlån til vidareutlån

Betalingslan

Låneavtale





# AURLAND KOMMUNE

## Sakspapir

Saksnr.	Utval	Møtedato
	Kommunestyret	
025/20	Formannskapet	02.04.2020

Arkivsaknr.:	Arkiv	Sakshandsamar	Dato
19/448 - 20/2005	K1-014, K3-&15	Kristian Stråmyr 95984647	24.03.2020

### Val av ekstra medlem til representantskapet i SIMAS IKS 2019-2023

#### Saka gjeld:

Som følgje av den nye selskapsavtalen skal Aurland kommune velje ein ekstra medlem og varamedlem til representantskapet i SIMAS IKS.

#### Tilråding frå rådmannen:

Saka blir lagt fram utan tilråding.

#### Saksframlegg

Som følgje av den nye selskapsavtalen til SIMAS IKS (Sogn Interkommunale Miljø- og Avfallsselskap IKS) skal Aurland kommune velje ein ekstra representant med vararepresentant for valperioden til representantskapen i SIMAS IKS.

#### Vurdering

Kommunestyret valde 7. november 2020 i sak 103/19 ordførar Trygve Skjerdal som medlem med varaordførar David Underdal som vara.

#### Uprenta vedlegg til saka:

- [Selskapsavtalen for SIMAS IKS](#)
- [Lov om interkommunale selskaper](#)
- [Eigarskapsmelding - Aurland kommune](#)





# AURLAND KOMMUNE

## Sakspapir

Saksnr.	Utval	Møtedato
026/20	Formannskapet	02.04.2020

Arkivsaknr.:	Arkiv	Sakshandsamar	Dato
19/448 - 20/2253	K1-014, K3-&15	Kristian Stråmyr 95984647	24.03.2020

### Framlegg på medlem til styret i Visit Sognefjord AS

#### Saka gjeld:

Aurland kommune har blitt oppmoda om å kome med framlegg på ein medlem til styret i Visit Sognefjord AS.

#### Tilråding frå rådmannen:

Saka vert lagt fram utan tilråding.

#### Saksframlegg

Føresegnene om aksjeselskap er regulert i aksjeloven av 13. juni 1997 nr. 44. Aurland kommune har i tillegg eigne prinsipp for samansetting av styre jamfør punkt 3.2.5, 3.3.3, 3.3.4 og 3.4. i eigarskapsmeldinga vedteken i kommunestyret 06.04.2017.

#### Vurdering

Valkomiteen til Visit Sognefjord AS ber Aurland kommune om å kome med framlegg på ein medlem til styret i Visit Sognefjord AS til valet på generalforsamlinga. Kommunen har fått forlenga frist for å kome med framlegg slik Formannskapet kan handsame saka-

Noverande styremedlem i Visit Sognefjord AS Therese Turlid har sagt frå seg attval.

#### Uprenta vedlegg til saka:

· [Eigarskapsmelding - Aurland kommune](#)

